

DAVVIRIIKKALAŠ SÁMESOAHPMUŠ

Suoma, Norgga ja Ruota ráđđehusat,

váldet vuhtii,

ahte sápmelaččain álbmogin ja álgoálbmogin dán golmma stáhtas lea iežaset kultuvra, iežaset servodateallin ja iežaset gielat, mat leat riikkarájáid rasttildeaddjit,

ahte juo 1751 golggotmánu 7 ja 18 beivviid sohppojuvvon rádjasoahpmuša vuosttas lassebeavdegrjjis (Lappekodicillen) láhččojuvvui vuodđu rájáid rasttildeaddji ovttasbargui ja nannejuvvojedje sápmelaččaid vieruidumiid vuodul,

ahte sápmelaččaid vuogatvuodat suodjaluvvot riikkaidgaskasaš olmmošvuogatvuodasoahpmušain,

ahte Ovtastuvvan Našuvnnat jagis 2007 dohkkehii julggaštusa álgoálbmotvuogatvuodain ja ahte doarjja álgoálbmotjulggaštussii ođasmuhtui Ovtastuvvan Našuvnnaid álgoálbmogiid máilmmikonfereanssa loahppaáššebáhpáris jagis 2014,

ahte Norga lea, muhto ii Suopma iige Ruotta leat dán soahpmuša vuolláičállima rádjai ratifiseren Riikkaidgaskasaš bargoorganisašuvnna (ILO) soahpmuša nr 169 jagis 1989 álgoálbmogiid ja čearddalaš álbmogiid birra iešheanalaš stáhtain,

muittuhit,

ahte Ovtastuvvon Našuvnnaid fitnodagaide ja olmmošvuogatvuodaid guoski láidejeaddji prinsihpat ja OECD válddahusat riikkaidgaskasaš fitnodagaide addet ealáhuseallimii earenoamás ovddasvástádusa gudnejahttit olmmošvuogatvuodaid, maidda gullet maid álgoálbmotvuogatvuodat, ja ahte stáhtain lea ovddasvástádus neavvut fitnodagaid gudnejahttit dáid vuogatvuodaid,

atnet vuodđun,

ahte sápmelaččaid boahtteáiggi vuogatvuodasajádaga nannemis deattuhuvvo, ahte sápmelaččat eai leat historjjá čađa adnojuvvon seammaárvosaš álbmogin ja danne leat gillán eahpevuoggalašvuoda,

ahte sámi álbtot sávvá ja háliida váldit ovddasvástádusa iežas boahtteáiggi ovddideamis ja sis lea maiddái vuogatvuhta dasa,

ahte stáhtat váldet vuhtii sápmelaččaid iešmearridanvuogatvuoda, go dat ollašuhttet geatnegasvuodaid dán soahpmušas vuodul,

ahte soahpmuš ii eastte stáhtaid miediheamis, go váldojuvvojít vuhtii artihkal 2 vuolimus dási vuogatvuodat ja artihkal 4 sápmelaččaid iešmearridanvuogatvuohtha,

vuoigatvuoda beassat Sámedikki válgalogaahallamii dahje jienastuslohkui daidda, geat atnet iežaset sápmelažjan ja geain lea lagaš oktavuohta sámi kultuvrii,

ahte sámeguovllut dán soahpamušas sáhttet ráddjejuvvot sierraláhkai dán golmma stáhtas ja maid iešguđetlágan áššiid vuodul, muhto dát galgá dahkkot nu, ahte sápmelaččaid historjjálaš ja dálá leahkin ja maid sámi geavaheapmi gudnejahttojuvvo, ja ulbmilin lea nannet ja gievrudit sámi kultuvrra, sámegielaid ja sámi servodateallima sápmelaččaid iešmearridanvuoigatvuoda vuodul,

ahte sámi ealáhusat ja sámi luondduvalljodagaid geavaheapmi mearkkašit dán soahpamušas dakkár árbevirolaš sámi ealáhusaid ja dakkár árbevirolaš luondduvalljodagaid geavaheami, mii seailluha ja ovddida sápmelaččaid kultuvrra, gielaid ja servodateallima, ja árbevirolaš geavaheapmi ii galgga hehttet ođđa ávkálaš doaibmavugiid atnuiváldima,

ahte boazodoalus, guolásteamis ja eará sámi luondduvalljodagaid árbevirolaš geavaheamis lea earenoamás mearkkašupmi sámi kultuvrra, sámegielaid ja sámi servodateallima seailluheamis ja ovdánahttimis,

ahte sámi nissoniin lea guovddáš sajádat sámi kultuvrra, sámegielaid ja sámi servodateallima seailluheamis ja ovdánahttimis,

dovddastit,

ahte sápmelaččat galget beassat eatnamiidda ja čáziide, mat leat vuoddun sámi kultuvrii, sámegielade ja sámi servodateallimii,

ahte sápmelaččat – nugó earátge – leat sáhttán háhkat sihke oktagaslaš ja kollektiiva oamastanvuoigatvuodaid ja geavahanvuoigatvuodaid,

ahte soahpamuš suodjala, muhto ii nuppástuhre sámeguovlluin sajáiduvvan vuoigatvuodaid,

ahte stáhtain lea earenoamás ovddasvástádus, sámi vieruidumiid gudnejahttimiin, sihkkarastit sápmelaččaide duođalaš vejolašvuoda oažžut našunála riektevuogádaga bokte dovddastuvvot ja duomuin nannejuvvot sajáiduvvan eanavuoigatvuodaid guovlluineaset,

ahte stáhtain lea vejolašvuohtra sihkkarastit, ahte sápmelaččat ožžot oasiset sámeguovlluid buvttaduvvon luondduvalljodagaid árvvus, go válđit vuhtii váikkuhusa, mii luondduvalljodagaid buvttadeamis lea leamaš ja lea ain sámeguovlluid sápmelaččaid ealáhusaide, sámi kultuvrii ja árbevirolaš eallinvuohkái,

dovddastit Sámedikkiid árjjalaš sajádaga ja oassálastima konsultašuvnnain ja mat válđet vuhtii, ahte dán golmma stáhta Sámedikkit leat bealisteaset dohkkehan soahpamuša,

leat soahpan čuovvovaš davvirikkalaš sámesoahpamušas.

Lohku I Sámi álbmoga oppalaš vuoigatvuodat

Artihkal 1 Soahpamuša ulbmil

Soahpamuša ulbmilin lea suodjalit ja nannet Sámi álbmoga vuoigatvuodaid vai sápmelaččat sahttet seailluhit, geavahit ja ovddidit kultuvrraset, gielaideaset ja servodateallimeaset nu unnán go vejolaš stáhtarajáid dahkan headuštusaiguin.

Artihkal 2 Vuolimus dási vuoigatvuodat

Dán soahpamušas suodjaluvvon vuoigatvuodat leat vuolimus dási vuoigatvuodat. Dat eai hehtte ottaskas stáhta viiddideames sápmelaččaid vuoigatvuodaid dahje mearrideames viidát doaibmabijuid, iige daid vuodul sáhte gáržžidit sápmelaččaid vuoigatvuodaid, mat čuvvot eará riektenuolggadusain dahje álbmotrievttálaš geatnegasvuodain.

Artihkal 3 Sápmelaččaid vuoigatvuodat

Sápmelaččat leat álgoálbmot soahpamušstáhtain. Sápmelaččain lea vuoigatvuohta seailluhit, geavahit ja ovddidit kultuvrraset, gielaideaset ja servodateallimeaset.

Stáhtat galget suodjalit beaktulis vugiin sápmelaččaid vuoigatvuodaid ja dárbbu mielde lágidit earenoamáš doaibmabijuid vai sápmelaččain lea álkit ollašuhttit dáid vuoigatvuodaid.

Artihkal 4 iešmearridanvuoigatvuohta

Sámi álbmogis lea vuoigatvuohta iešmearrideapmái. Dán vuoigatvuoda vuodul álbmot mearrida friddja iežaset politihkalaš sajádagas ja iežaset ekonomalaš, sosiála ja kultuvrralaš ovdáneami.

iešmearrideapmi ollašuvvá ieštivrejumiin siskkáldas áššiin konsultašuvnnaid bokte áššiin, main sáhttá leat earenoamáš mearkkašupmi sápmelaččaide.

Artihkal 5 Nissoniid ja albmáid gaskasaš dásseárvu

Stáhtat galget ovddidit sámenissoniid ja -albmáid gaskasaš dásseárvu ja maid sámenieiddaid ja -gánddaid gaskasaš dásseárvu. Ulbmilin lea nissoniid ja albmáid gaskasaš dásseárvu olaheapmi.

Áššemeannudeamis ja mearrádusain surgiin, maid dát soahpamuš fátmasta, galget stáhtat guorahallat ja váldit vuhtii doaibmabiju váikkahuusaid sámenissoniidda ja -albmáide.

Dán soahpamušas nannejuvvon friddjavuođaid ja vuoigatvuodaid geavaheami galgá suodjalit almmá sohkabealvealaheami haga.

Artihkal 6 Sámemánáid vuoigatvuodat

Stáhtat galget earenoamážit ovddidit sámemánáid vuoigatvuoda iešguhtege sierra ja ovttas eará sápmelaččaiguin seailluhit, geavahit ja ovddidit kultuvrraset, gielaidaeaset ja servodateallimeaset.

Stáhtat galget giddet earenoamážit deattuhit sámemánáid dárbbuid ja vuoigatvuodaaid, go dat ollašuhttet dán soahpamuša geatnegasvuodaideaset. Sámemánát galget beassat váikkuhit alcceset guoski áššiide agis ja láddamis vuodul. Buot sámemánáide guoski doaibmabijuin galgá máná ovduu váldit vuosttažettiin vuhtii.

Artihkal 7 Vealatkeahtesvuohta

Sápmelaččaid galgá suodjalit sápmelašvuhtii laktáseaddji vealaheami vuostá.

Stáhtat galget vuolggahit beaktulis doaibmabijuid vai sápmelaččaid vealaheapmi ja ovdagáttut sin vuostá eastaduvvojit ja maid vai ovddidit goabbatbealat gudnejahtima ja ipmárdusa sápmelaččaid ja eará álbumoga gaskkas.

Artihkal 8 Giella

Sámegielain oaivvilduvvojit dán soahpamušas buot sámegielat.

Artihkal 9 Vieruidumit

Stáhtat galget soahppevaččat gudnejahttit sápmelaččaid riekteipmárdusaid, riekte-árbevieruid ja vieruidumiid.

Go stáhtat gárvejít láhkaásheami surgiin, main sáhttet leat sámi vieruidumit, galget stáhtat čielggadit, gávdnojito dákár vierut ja galggašiigo daid dalle suodjalit dahje muđui vuhtii váldit láhkaásheamis.

Artihkal 10 Ovttasbargu stáhtarajáid rastá

Stáhtat galget álkidit sápmelaččaid rájáidrasttildeaddji ovttasbargu ja figgat jávkadit hehttehusaid, mat bohttet riikkavulošvuodas dahje orrunsajis dahje muđui das, ahte sápmelaččat leat okta álbmot ásaiduvvan stáhtarajáid rastá.

Stáhtat galget álkidit sápmelaččaid seailluhit, geavahit ja ovddidit kultuvrraset, gielaidaeaset ja servodateallimeaset stáhtarajáid rastá. Dáinna ulbmiiliin stáhtat galget earenoamážit álkidit sápmelaččaid ealáhusdoaimmaid stáhtarajáid rastá ja maid ovddidit sápmelaččaid vejolašvuodaaid oažžut oahpahusa, dearvasvuodafuolahusa, buohccedikšuma ja sosiálabalvalusaid ovttas dáin stáhtain dalle, go dákár čoavddus lea ávkkálut.

Artihkal 11 Čearddalaš dovddaldagat

Stáhtat galget gudnejahttit sápmelaččaid vuogatvuodá mearridit sámeleavgga ja eará sámi čearddalaš dovddaldagaid geavaheamis ja ovddidit sámi čearddalaš dovddaldagaid čalmmustuhttima.

Lohku II Iešmearridanvuoigatvuohta

Artihkal 12 Sámediggi

Juohke soahpamušstáhtas galgá leat Sámediggi, mii lea alimus sámi doaibmaorgána gustovaš stáhtas. Sámediggi ovddasta sámi álbmoga ja dat válljejuvvo válggain, mii vuodđuduuvvá gustovaš stáhta sápmelaččaid dábálaš jienastanvuoigatvuhtii.

Sámedikki válganjuolggadusat mearriduvvojít lágain.

Sámedikkis galgá leat dakkár ovddasvástádussuorggit ja dakkár doaimmat, ahte dat sahttet beaktilit ollašuhttit sápmelaččaid iešmearridanvuoigatvuoda.

Sámedikki barggut mearriduvvojít lágain. Sámediggi mearrida iešheanalacčat makkár eará áššiiguin dat háliida bargat ja main dat háliida addit cealkámušaid.

Artihkal 13 Sámedikki válgalogahallan dahje jienastusloku

Olmmoš guhte atná iežas sápmelažjan ja

- á) geas lea sámegiella ruovttugiellan, dahje
- a) geas lea leamaš vánhemis, áhkus dahje ádjás dahje áhku dahje ádjá vánhemis sámegiella ruovttugiellan, dahje
- b) geas lea vánhen, guhte lea dahje lea leamaš Sámedikki válgalogahallamis dahje jienastuslogus,

lea vuogatvuhta, juos deavdá eará nugó ahke-, riikkavulošvuođa- ja álbmotregistargáibádusaid, váldojuvvot Sámedikki válgalogahallamii dahje jienastuslokhui Norggas, Ruotas dahje Suomas.

Sámedikkit sahttet bargat ovttas bajábealde namuhuvvon mearrádusa ollašuhttimis našunála láhkaásuheami vuodđul.

Artihkal 14 Sámedikki vuogatvuhta iešstivrejupmái

Sámedikkit mearridit iešheanalacčat áššiin, main dain lea našunála láhkaásuheami vuodđul ovddasvástádus ja maid eará áššiin, maiguin dat barget.

Artihkal 15 Ovttasbargu

Sámedikkit sahttet dahkat soahpamušaid ovttasbarggus eará álgoálbmogiíguin ja maid našunála, guovlluguovdasaš ja báikkálaš ovttadagaiguin.

Artihkal 16 Oktasaš doaibmaorgánat

Stáhtat galget ovddidit Sámedikkiid ovttasbargovejolašvuođaid ja oktasaš doaibmaorgánaid vuodđudeami. Juos našunála láhkaásuheami vuodđul lea vejolaš, sahttá oktasaš doaibmaorgánaide addit almmolaš hálldašandoaimmaid.

Artihkal 17 Konsultašuvnnat

Láhkaásahusain, mearrádusain dahje eará doaibmabijuin, main sáhttá leat earenoamáš mearkkašupmi sápmelaččaide, stáhta galgá lágidit konsultašuvnnaid Sámedikkiin. Konsultašuvnnat galget dáhpáhuvvat buori oskkus, ja daid ulbmilin lea juksat ovttamielalašvuoda dahje oktasaš ipmárdusa Sámedikkiin ovdalgo mearrádus dahkkojuvvo. Stáhtat galget almmuhit Sámediggái nu johtilit go vejolaš go dat bargagohtet dákkár áššiiguin.

Artihkal 18 Konsultašuvnnat eará ovddasteaddjiiguin

Láhkaásahusain, mearrádusain dahje eará doaibmabijuin, main sáhttá leat earenoamáš mearkkašupmi eará sámi ovttadagaide, nugo čearuide, siiddaide, bálgosiidda ja orohagaide, nuortalaččaid giličoahkkimii dahje eará sámi organisašuvnnaide, stáhta galgá, juos leacča vuodđu lágidit konsultašuvnnaid maiddái dáid orgánaid ovddasteaddjiiguin.

Artihkal 19 Riikkaidgaskasaš ovddasteapmi

Stáhtat galget ovddidit Sámedikki vuogatvuoda iešheanalaš ovddasteapmái riikkaidgaskasaš doaibmaorgánain ja čoahkkimiin, main gieđahallojite earenoamážit sápmelaččaide mearkkašahti áššit.

Stáhtat galget doaimmalaččat láhčit oassálastima Sámedikkiide riikkaidgaskasaš oktavuodain, go gieđahallojuvvojite áššit, main lea earenoamáš mearkkašupmi sápmelaččaide.

Lohku III Giella ja kultuvra

Artihkal 20 Vuoigatvuohta gillii ja kultuvrii

Sápmelaččain lea vuoigatvuohta geavahit, ovddidit ja várjalit boahttevaš buolvvaide kultuvrraset ja gielaideaset. Stáhtat galget gudnejahttit, ovddidit ja suodjalit dáid vuoigatvuodaid.

Artihkal 21 Sámegiela geavaheapmi

Sápmelaččain lea vuoigatvuohta geavahit gohčodannamaideaset ja maid oažžut daid dohkkehuvvot našunála njuolggadusaid vuodul.

Sámeguovlluin sámi báikenamat galget dohkkehuvvot ja geavahuvvot.

Sápmelaččain lea vuoigatvuohta geavahit sámegiela duopmostuoluin ja oktavuođain eiseválddiiguin sámeguovlluin.

Stáhtat galget ovddidit sápmelaččaid vejolašvuođa geavahit sámegiela dearvvasvuođafuolahusas ja buohccedikšumis ja maid sosiálabálvalusain sámeguovlluin.

Stáhtat galget álkidit sámegiela geavaheami sámeguovlluid olggobealde.

Stáhtat galget váldit vuhtii sámi kultuvrra diliid dearvvasvuođafuolahusas ja buohccedikšumis ja maid sosiálabálvalusain.

Artihkal 22 Sámi kulturárbi, sámi kultuvrralaš albmonemait ja sámi árbediehtu

Stáhtat galget váldit vuhtii sámi kulturárbbi, sámi kultuvrralaš albmonemiid ja sámi árbedieđu go dahket mearrádusaid áššiin, mat gustojít sámi diliide.

Sámi materiála kulturárbbi galgá suodjalit lágain. Stáhtat galget ovddidit sámi immateriála kulturárbbi suodjaleami. Sámedikkis, dahje eiseválddiin ovttasráđiid Sámedikkiin, sámi museain dahje eará sámi ásahusain lea ovddasvástádus sámi kulturárbái guoski áššiin.

Sámediggi, dahje museat dahje ásahusat galget hálldašit ovttasráđiid Sámedikkiin sámi kulturárbbi, mii lea stáhta dahje eará almmolaš ásahusa hálldus.

Stáhtat galget ovddidit sámi kulturárbbi máhcaheami ja hálldašeami goalmmát bihtá vuodul.

Artihkal 23 Oahpahus

Sámeguovlluin lea sápmelaččain vuodđoskuvillas dahje eará vástideaddji skuvladásis vuoigatvuohta oažžut oahpahusa sámegillii ja sámegielas. Eará geográfalaš guovlluin stáhtat galget sihkarastit sápmelaččaide vejolašvuođa sámegiela oahpahusas ja maid ovddidit vejolašvuođaid sámegielat oahpahussii.

Stáhtat galget vuolggahit doaibmabijuid oahpahusa suorggis vai sápmelaččaid sajádahkii ja vuogatvuodaide álgoálbmogin ja maid sin historjái, gielaide ja kultuvrii laktáseaddji diehtu ja gudnejahttin lassánivčče.

Sámedikkiin galgá lágidit konsultašuvnnaid 17 artihkkala vuodul dahje Sámediggi sáhttá dihto rámaid siste ovddidit oahpahusa sisdoalu sámfáttáin ja sámi historjjás, kultuvrras, árbevirolaš ealáhusain ja servodateallimis.

Stáhtat sáhttet, dárbbu mielde, gaskaboddasaččat fállat molssaevttolaš oahpahusvugiid geavahanlákai guovluin, gos eai leat sámegielat oahpaheaddjít ja gos sámeoahppit leat unnán.

Artihkal 24 Dutkan

Stáhtat galget láhčit buriid eavttuid dutkamii ja dutkanovttasbargui, mas lea mearkkašupmi sámi servodahkii. Dákkár dutkamis galgá váldit vuhtii dohkehuvvon dutkanehtalaš njuolggadusaid ja riikkaidgaskasaš prinsihpaid, mat váldon geavahussii álgoálbmogiidda laktáseaddji dutkamušas.

Artihkal 25 Mediat

Stáhtat galget ovddidit viiddes sámegielat mediafálaldaga.

Vuhtiiválddedettiin mediaid sorjasmeahttunvuoda, stáhtat galget, nu bures go vejolaš, fuolahit das, ahte sápmelaččaide addojuvvo vejolašvuhta vuodđudit ja geavahit iežas mediaid.

Artihkal 26 Ovttasbargu stáhtarajáid rastá

Stáhtat galget ovddidit ovttasbarggu stáhtarajáid rastá sámegiela fuolahuas ja earenoamážit dalle, go giellanorpmat ja terminologija meroštallovuvvoj.

Stáhtat galget ovddidit ovttasbarggu stáhtarajáid rastá oahpahus- ja skulenáššiin sámegillii ja sámegielas ja maid sápmelaččaid historjjás, kultuvrras ja gielain. Stáhtat galget maiddái ovddidit stáhtarajáid rasttildeaddji ovttasbarggu sámegielat oahpponeavvuid ovddidanbarggus ja maid sápmelaččaid historjái, kultuvrii ja gillii laktáseaddji oahpponeavvuin.

Stáhtat galget ovddidit ovttasbarggu stáhtarajáid rastá sámi kulturárbbi ja sámi árbedieđu duođašteamis, suodjaleamis ja geavaheamis.

Vuhtiiválddedettiin mediaid sorjasmeahttunvuoda stáhtat galget ávžžuhit nu guhkás go vejolaš mediaid mat fállet sámegielat mediafálaldagaid bargat ovttas.

Lohku IV Eatnamat ja čázit

Artihkal 27 Vuoigatvuohta eatnamiidda ja čáziide

Dat guovllut, máid sápmelaččat leat árbevirolaččat geavahan, leat vuodđun dasa, ahte sápmelaččat galget sáhttit seailluhit, geavahit ja ovddidit kultuvrraset, gielaideaset ja servodateallimeaset.

Sápmelaččat leat eatnamiid ja čáziid guhkeságasaš árbevirolaš geavaheami bokte hákkan kollektiiva ja oktagaslaš oamastan- ja geavahanvuogatvuodaid sámeguovlluin.

Artihkal 28 Eana- ja čáhcevuogatvuodaid suodjaleapmi

Stáhtat galget čáđahit doaibmabijuid vai sihkkarastojuvvorit sápmelaččaid vuogatvuodat ja beassan dakkár luonduvalljodagaide, maid sápmelaččat leat geavahan árbevirolaččat sámeguovlluin ja maid vejolašvuodat geavahit dáid luonduvalljodagaid.

Stáhtat galget sihkkarastit, ahte našunála riektevuogádagas leat heivvolaš meannudanvuogit, maiguin sáhttá nannet čadni vugiin sápmelaččaid vuogatvuodaid eatnamiidda ja čáziide.

Mearridettiin gávdnojitgo dákkár vuogatvuodat, galgá válđit vuhtii, ahte dávjá sápmelaččaid geavaheamis eai báze bissovaš luottat lundai.

Artihkal 29 Goabbatbealat gudnejahttin

Stáhtat galget fuolahit, ahte vuogatvuodaid eaiggádat ja buot eará eatnamiid ja čáziid geavaheaddjít gudnejahttet nubbi nuppiid beroštumiid ja válđet vuhtii mii mearkkašumiid sápmelaččaid eatnamiid ja čáziid geavaheamis lea sámi kultuvrii, sámegielaise ja sámi servodateallimii.

Artihkal 30 Luonduvalljodagaid duohradeapmi dahje daid nuppástuvvan geavaheapmi

Go stáhtat vihkkehallet mearrádusdahkama sámeguovlluid luonduvalljodagaid duohradeamis dahje daid geavaheami nuppástuhttimis dahje lobi mieđiheamis dákkár duohradeapmái dahje geavaheapmái, stáhtat galget earenoamážit deattuhit, ahte duohradeapmi dahje nuppástuvvan geavaheapmi ii dagat čielga hehttehusa sámi kultuvrii, sámegielaise dahje sámi servodateallimii. Go mearrádusdahkan guorahallojuvvo duohradeami dahje geavaheami nuppástusa suovvamis, stáhtat bearráigeahččat, ahte sierra doaibmabijuid ollislaš váikkuhus sámi kultuvrii, sámegielaise ja sámi servodateallimii guovllus válđojuvvo vuhtii.

Duohtadettiin sápmelaččaid oamastan- ja geavahanvuogatvuoda galgá juolluduuvvot buhtadus našunála njuolggadusaid vuodul.

Artihkal 31 Sápmelaččaid vuogatvuohta návddašit iežas kultuvrras ja servodateallimis ja geavahit iežaset gielaid

Luondduvalljodagaid duohademiiin dahje nuppástuhhton geavahemiin ii oačo gieldit sápmelaččain álgoálbmogin vuogatvuoda návddašit iežas kultuvrras ja servodateallimis ja geavahit iežaset gielaid.

Artihkal 32 Luondduvalljodagaid hálldašeapmi

Válddedettiin vuhtii, ahte sápmelaččaid vuogatvuodain eatnamiidda ja čáziide lea earenoamáš mearkkašupmi sámi kultuvrra, sámegielaid ja sápmelaččaid servodateallima seailuma dáfus, stáhtat ja stáhta opmodaga eará hálldašeaddjít galget nu guhkás go vejolaš lágidit konsultašuvnnaid sápmelaččaiguin áššiin dahje muđui árjjalaččat váldit sápmelaččaid fárrui dáid áššiide, mat laktásit sápmelaččaide guoski luondduvalljodagaid hálldašeapmái ja maidda artihkkala 17 gáibádusat eai gusto.

Artihkal 33 Luonddu- ja kulturbiras

Stáhtat galget ovddidit sámeguovlluid luonddu- ja kulturbirrasa bistevaš geavaheami nu, ahte sámi árbediehtu gudnejahttojuvvo ja luonddu- ja kulturbirrasiid earenoamáš mearkkašupmi sámi kultuvrra, sámegiela ja sámi servodateallima vuodđun váldojuvvo vuhtii.

Lohku V Ealáhusat

Artihkal 34 Sámi ealáhusat

Sámi ealáhusain lea earenoamáš mearkkašupmi seailluhit, geavahit ja ovddidit sámi kultuvra, sámegielaid ja servodateallima.

Luondduealáhusain, masa gullet earret eará guolástus ja eará bivdu, smávvalágan šibitdoallu, meahcástallan ja luondduvalljodagaid rádjan, lea guhkeságasaš árbevierru iešguđet sámeguovlluin ja váikkuhus gielaide, kultuvrii ja sámi árbedihtui ja maid ásaiduvvamii, dállodollui ja duoji ávnnasteapmái.

Stáhtat galget ovddidit sámi ealáhusaid.

Ealáhusat ja luondduvalljodagaid geavaheapmi galget ain lohkkojuvvot oassin sámi kultuvrras, vaikko odđa heivvolaš doaibmavuogit válđojuvvojít geavahussii go servodat ovdána.

Artihkal 35 Kultuvrralaš ja luovvalaš ealáhusat ja turisma

Sámi kultuvra, historjá ja luondu leat kulturealáhusaid ja luovvalaš ealáhusaid ja maid turismma veahkkevárit sámeguovlluin. Stáhtat galget ovddidit, ahte dáid veahkkeváriid ávkkástallan dáhpáhuvvá bistevaš vugiin ja ahte sámi kultuvrra, gielat ja servodateallin gudnejahttojuvvo.

Artihkal 36 Boazodoallu

Boazodoallu sámi ealáhussan ja kulturhápmín vuodđuduuvvá vieruidumiide ja galgá suodjaluvvot lágain.

Stáhtat galget ovddidit sápmelaččaid boazodoalu sajádaga ja doaibmavejolašvuodđaid ja maid ovddidit stáhtarajáid rasttildeaddji ovttasbarggu.

Artihkal 37 Mearavalljodagat

Mearrasámi guovllus ealli mearavalljodagaid reguleremis ja juohkimis galgá earenoamážit deattuhit dan, makkár mearkkašupmi sápmelaččaid ávkkástallanvieruin lea sámi kultuvrii, sámegielade ja sámi servodateallimii.

Artihkal 38 Duodji

Stáhtat galget láhkaásahusa, hálldahusdoaimmaid dahje ekonomalaš doaimmaid bokte ovddidit sápmelaččaid vejolašvuodđaid ealáskahittit, seailluhit, suodjalit ja ovddidit sámeduodjái laktáseaddji árbevirolaš dáidduid, vieruid ja árbedieđu ja maid ovddidit vejolašvuodđaid duddjot ealáhussan.

Lohku VI Soahpamuša ollašuhttin

Artihkal 39 Ministariid ja Sámedikkiid presideanttaid ovttasbargaráđđi

Norgga, Ruota ja Suoma sámeáššiin vástideaddji ministarat ovttas dáid stáhtaid Sámedikkiid presideanttaiguin galget čoahkkanit jeavddalaččat.

Dát ovttasbargu galgá ovddidit dán soahpamuša ulbmila artihkkala 1 vuodul. Čoahkkimiin galgá gieđahallot dán soahpamuša ollašuhttin.

Artihkal 40 Soahpamuša ollašuhttima čuovvun

Davviriikkalaš sámeáššiid ámmátolbmoorgániččadnojuvvon bargojoavku galgá čuovvut dán soahpamuša ollašuhttima. Bargojoavkkus leat guhtta lahttu, mat ovddastit stáhtaid ja Sámedikkiid. Iešguđet stáhta nammada ovttalahttu ja iešguđet Sámedikki ovttalahttu.

Soahpamuša čuovvun galgá dáhpáhuvvat gulahallama bokte buot golmma stáhta ja golmma Sámedikki gaskka bargojoavkkus. Bargojoavkku ulbmilin lea čalmmustahittit hástalusaid, juogadit vásáhusaid ja dieđu buriin bargovugiin ja maid geahččalit juksat ovttamielatvuoden soahpamuša ulbmila ovddideaddji čovdosiin.

Bargojoavku gieđahallá fáttáid mielde áššiid ja maid Sámedikkiid ja earáid rapportaid das, mo sápmelaččaid vuogatvuoden ollašuhttojuvvoyit dán soahpamuša vuodul. Bargojoavku sáhttá bargat ovttas eará oasálaččaiguin.

Bargojoavku galgá sáhittit addit evttohusaid ja rapportaid stáhtaid ráđđehusaide ja Sámedikkiide vai soahpamuša ulbmil ovdána. Juos evttohusas dahje rapportas eai juvssa ovttamielatvuoden, sáhittet bargojoavkku lahttu guodđit dasa sierra mearkkašumiid.

Bargojoavku mearrida iežas njuolggadusaid ja dain mearrida dárkileappot bajábealde namuhuvvon doaimmain.

Artihkal 41 Soahpamuša gozihangolut

Golut, mat bohtet soahpamuša ollašuhttima goziheamis artihkkala 40 vuodul, juhkkojuvvoyit buot golmma soahpamuštáhta gaskkas dássidit dahje sierra soahpamuša vuodul.

Lohku VII Eará mearrádusat

Artihkal 42 Vuolláičállin

Dán soahpamuša galget sámedikkit dohkkehít ovdal vuolláičállima.

Artihkal 43 Ratifiseren ja fápmuiboahtin

Dán soahpamuša galgá ratifiseret.

Soahpamuš boahtá fápmui golbmalogát beaivve dan manjá, go buot oassebealit leat vurken ratifiserenáššebáhpáriiddiset Norgga olgoriikkadepartementii.

Norgga olgoriikkadepartemeanta galgá almmuhit eará oassebeliide ratifiserenáššebáhpáriid vurkemis ja soahpamuša fápmuiboahtináiggis. Oassebeliin lea ovddasvástádus addit dieđu Sámedikkiide.

Artihkal 44 Soahpamuša nuppástusat

Nuppástusat dán soahpamuššii dahkkojuvvojit ovttasráđiid buot golmma stáhta Sámedikkiiguin.

Soahpamuša nuppástuhttin boahtá fápmui go golbmalot beaivve lea vássán dan beaivvi rájes, go soahpamušoassebealit leat almmuhan Norgga olgoriikkadepartementii nuppástusaid dohkkeheamis.

Artihkal 45 Eretcealkin

Oassebealli sáhttá cealkit eret soahpamuša čálalaš almmuhusain Norgga olgoriikkadepartementii, mii almmuha eará oassebeliide dákkár almmuhusa vuostáiváldimis ja dan sisdoalus. Oassebeliin lea ovddasvástádus addit dieđu Sámedikkiide.

Eretcealkin gusto dušše dan eretcealkinalmmuhusa addin oassebeallái ja dat boahtá fápmui go guhtta mánu lea vássán dan beaivvi rájes go Norgga olgoriikkadepartemeanta lea ožžon eretcealkinalmmuhusa.

Artihkal 46 Originála teavstta vurken ja vuolláičállin

Soahpamuša originála teaksta vurkejuvvo Norgga olgoriikkadepartementii, mii doaimmaha eará oassebeliide soahpamuša vuogadin duođaštuvvon kopijaid. Oassebeliin lea ovddasvástádus doaimmahit vuogadin duođaštuvvon kopijaid Sámedikkiide.

Dán dáhkádussan oassebeliid ovddasteaddjít leat vuolláičállán dán soahpamuša.

Soahpamuš galgá leat oažžumis iešguđet sámegillii.

Gárvvistuvvonmánu beaivve 20- - suomagillii, dävvisámegillii, dárogillii ja ruołtagillii.